

ԸՆՏԱՆԵԿԱՆ ՔԱՂՅՐՈՒԹԻՒՆ

«Քու սիրած կնոջդ հետ կեանք վայելե քու ունայնութեան կեանքիդ բոլոր օրերուն մէջ... վասնզի այս կեանքին մէջ քու բաժինդ անկկա է:»

Ժող.9.9:

Ընտանիքը այր մարդուն սրբութիւն սրբութեանց է երկրի վրայ: Տան որմերէն ներս անկկա ինքզինք կը գտնէ դուրսի աշխարհէն եւ դուրը կը գոցէ իր եւ իրեններուն վրայ: Հոն կ'ամբարուին իր ուժերը, կը նորոգուի իր եռանդը եւ կը գտնէ իր հանգիստը աշխատանքէն: Հոն է սրբավայրը իր հոգեւոր խոկումներուն, որոնցմէ ներշնչուած՝ ան կը ստանձնէ բոլոր իր գործունէութիւններն ու պայքարները դուրսի աշխարհին հետ:

Ընտանիքը այն վայրն է, ուր սէրը կը բնակի: Սէրը հոն չի գիշերեր միայն, պատահական այցելութիւններ չի տար եւ ոչ իսկ հոն մնալուն հիւր է ան: Սէրը տան գլխաւոր դրան բանալին ունի, տէրն է անոր ամենակարեւոր անկիւնին, ուր կը տաքցնէ անկէ տան բոլոր մթնոլորտը: Ընտանեկան օճախը կամ տունը կրնայ արքայական շքեղ պալատ մը ըլլալ կամ աղքատ մարդուն պարզուկ խրճիթը: Հարստութեան մատուցած բոլոր առաւելութիւններն ու դիւրութիւնները չեն կրնար տալ ինչ որ սէրը կու տայ այդ տանը եւ սակայն սէրը պարզ եւ աղքատի խրճիթին կրնայ տալ բոլոր երջանկութիւնը, ազնուութիւնն ու փայտութիւնը՝ որոնք կ'ապահովեն այր մարդուն եւ բոլոր ընտանիքին ճշմարիտ ու երկնային հանգիստը երկրի վրայ՝ անկիւնի մը մէջ որ ընտանիք կը կոչուի:

ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ ԵՒ ՀԱՅ ՔՐԻՍՏՈՆԵԱԿԱՆ ԿԵԱՆՔԻ ՔՆՆԱՐԿՈՒՄ

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Հոգեւոր խորհրդաձուլութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Նաեւ, ամէն Երեքշաբթի գիշեր, ժամը 8:00-9:00, Ազգային Առաջնորդարանի «Երջօ Սամուէլեան-Եռագոյն» սրահին մէջ, Նարեկ Սրբազան պիտի հանդիպի 18-40 տարեկան հայ երիտասարդ-երիտասարդուհիներու հետ՝ ծանօթացման ընկերային հաւաքով ու Աստուածաշունչի սերտողութեամբ քննարկելու համար հայ քրիստոնէական կեանքը: Միաժամանակ, նոյն ժամուն եւ նոյն վայրին մէջ, Արժ. Տ. Ղեւոնդ քինյ. Լոյսաճեան Աստուածաշունչի սերտողութիւն պիտի կատարէ մեր ժողովուրդի զաւակներուն համար:

Միքելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՑԷ.

ՃՐԱԳ ՇԱՐԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ՔՈՒ ԽՕՍԲԵՂ ԽՄ ՈՅԹԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (ՍՊ.119.105)

ԺԲ. ՏԱՐԻ ԿԻՐԱԿԻ, 22 ՍԵՊՏԵՄԲԵՐ 2019 ԹԻՒ 38

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՅՈՒՄՆԵՐ ԵՍ. 14.3-17: Բ. Կր. 10.18-11.10: ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՐԿՈՍԻ 10.1-12

ԲԱՐԵԿԵՆԴԱՆ ՎԱՐԱԳԱՅ ԽԱԶԻ ՊԱՀՈՑ ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՐԿՈՍԻ 10.1-12

Յիսուս Կափառնայումէն Հրեաստանի կողմերը եկաւ՝ Յորդանան գետին միւս կողմէն անցնելով: Դարձեալ խոտն բազմութիւն մը իր շուրջը հաւաքուեցան եւ Յիսուս սկսաւ անոնց ուսուցանել իր սովորութեան համաձայն:

Փարիսեցիները զինք փորձելու նպատակով մօտեցան իրեն եւ հարցուցին. «Ո՞րք մէկը իրաւունք ունի՞ իր կինը արձակելու»:

Յիսուս պատասխանեց. «Մովսէս ձեզի ի՞նչ պատուիրեց»:

Անոնք ըսին. «Մովսէս արտօնեց բաժանման թուղթ տալ կնոջ եւ արձակել զայն»:

Յիսուս ըսաւ. «Մովսէս ձեր անհանդուրժող նկարագրին պատճառով այդ օրէնքը սահմանեց ձեզի: Մինչդեռ սկիզբէն՝ ստեղծագործութեան ժամանակ, Աստուած արու եւ էգ ստեղծեց մարդիկը եւ ըսաւ. "Այս պատճառով այրը պիտի ձգէ իր հայրն ու մայրը եւ իր կնոջ միանայ եւ երկուքը մէկ մարմին պիտի ըլլան": Հետեւաբար այլեւս երկու չեն, այլ մէկ մարմին: Ուստի ռեւէ մէկը թող չբաժնէ անոնք՝ որ Աստուած միացուց»:

Երբ տուն դարձան, աշակերտները նոյն նիւթին մասին դարձեալ հարցուցին: Յիսուս անոնց պատասխանեց. «Եթէ այրը արձակէ իր կինը եւ ուրիշ մը առնէ՝ շնութիւն ըրած կ'ըլլայ անոր դէմ: Նոյնպէս ալ, կինը եթէ ձգէ իր ամուսինը եւ ուրիշ մը առնէ՝ շնութիւն ըրած կ'ըլլայ»:

Միասնաբար աղօթեմք եւ ըսեմք. Ամենադուր Տէր, ողորմէ՛ բոլոր քեզի հաւատացողներուն, ազգակիցներուն եւ օտարներուն, ծանօթներուս եւ անծանօթներուն, ողջերուն եւ մեռելներուն. թողութիւն շնորհէ՛ նաեւ թշնամիներուս եւ զիս ատողներուն՝ ինձի դէմ ունեցած իրենց յանցանքներուն համար, եւ դարձնուի՛ր զանոնք իմ մասիս իրենց խորհած չարիքներէն, որպէսզի բոլոր ողորմութեանդ արժանի ըլլանք. եւ ողորմէ՛ բոլոր արարածներդ եւ ինձի բազմամեղիս. ԱՄԷՆ:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

ԵՍԱՅԻ ՄԱՐԳԱՐԵԻ ԳԻՐՔԵՆ  
 14.3-17

Այն օրը Տէրը վերջ պիտի դնէ քու ցաւերուդ, նեղութիւններուդ եւ գերութեան անտանելի ծառայութեանդ, եւ պիտի հանգստացնէ քեզ: Այն օրը հետեւեալ ողբանման առակը պիտի կարդաս Բաբելոնի թագաւորին վրայ, ըսելով. «Ի՛նչպէս կորսուեցաւ բռնաւորը, ի՛նչպէս կորսուեցաւ աշխարհը ցնցողը:

Ահաւասիկ Տէրը խորտակեց մեղաւորներուն լուծը, լուծը իշխաններուն, եւ անխնայ եղաւ անոր հանդէպ՝ որ կատաղի մոլեգնութեամբ եւ անտանելի տանջանքներով ազգերը կը կոտորէր:

Ամբողջ աշխարհի խաղաղեցաւ եւ հանգստացաւ. մարդիկ ուրախութեամբ կ'աղաղակեն: Լիբանանի եղեւիններն ու մայրիկներն ալ կը ցնծան եւ կ'ըսեն. «Այն օրէն որ դուն կորսուեցար՝ ռեւէ փայտահատը չեկաւ մեզ կտրելու»:

Դժոխքն իսկ տակնուվրայ եղաւ երբ դուն հոն իջար. միանգամայն ելան կանգնեցան աշխարհակալ բոլոր հսկաները, որոնք ազգերու թագաւորները իրենց աթոռներէն վար ձգած էին:

Բոլորը միասին ըսին քեզի. «Դո՛ւն ալ մեզի պէս բռնուեցար եւ մեր վիճակին ինկար:

Ըն՛ ի ալ փառքդ գերեզման իջաւ եւ ուրախութիւնդ թաղուեցաւ: Այսուհետեւ ցեղերը քեզի ներքնակ պիտի ըլլան, իսկ որդերը՝ վերմակ»:

Ի՞նչպէս ինկար երկինքէն, ո՛վ Արուսեակ, որ առաւօտուն կը ծագէիր. ի՛նչպէս գետնին հաւասարեցար, դուն՝ որ բոլոր ազգերը ոտքի տակ առած էիր:

**ՊՕՂՈՍ ԱՌԱՔԵԱԼԻ ԵՐԿՐՈՐԴ ՆԱՄԱԿԸ**  
**ԿՈՐՆԹԱՅԻՆՆԵՐՈՒՆ**  
 10.18 - 11.10

Իսկական ընտրուածը ան չէ, որ ինքզինք կը գովէ, այլ՝ ան որ Տիրոջ կողմէ կը գովուի: Մակայն, յուսամ քիչ մը ներողամիտ կ'ըլլաք եթէ անմտօրէն ես ալ պարծեմամ, ըրածներս յիշեցնելով ձեզի: Իսկ դուք համբերութեամբ լսեցէք:

Ես ձեզի հանդէպ Աստուծոյ նախանձախնդրութեամբ լեցուած կ'ուզեմ, որ միայն Քրիստոսը սիրէք, ինչպէս մաքուր կոյս մը, որ իր սէրը կը վերապահէ անոր որ իր ամուսինը պիտի ըլլայ: Բայց կը վախճամ, որ ձեր միտքը ապականի եւ հեռանաք Քրիստոսի հանդէպ ամբողջական եւ մաքուր նուիրումէն, ճիշդ ինչպէս Եւան խաբուեցաւ օձին խորամանկ սուտերէն: Կը վախճամ, որ նոյնքան դիրութեամբ ընդունիք ռեւէ մէկը, որ մեր քարոզածէն տարբեր փրկիչ մը, ձեր ստացած Հոգիէն տարբեր հոգի մը, կամ ձեր ընդունած Աւետարանէն տարբեր ավետարան մը կը քարոզէ ձեզի:

Չեմ գիտեր, թէ ես ձեր այդ նշանաւոր «առաքեալ»-ներէն բանով մը ետ կը մնա՞մ: Թէ՛ եւ ճարտար խօսող մը չեմ, բայց խօսածս գիտեմ: Եւ կարծեմ ատիկա ապացուցանեցի ձեզի ամէն ինչով: Արդեօք սիսա՞լ ըրի, որ Աստուծոյ Աւետարանը ձրիօրէն քարոզեցի ձեզի եւ ինքզինքս խոնարհեցուցի՝ ձեզ բարձրացրնելու համար: Չետով մը միւս եկեղեցիները կողոպտեցի, ապրուստս անոնցմէ առնելով, որպէսզի ձեզի ծառայեմ ձրիօրէն:

**ՇԱՐՈՒՆԱԿԵԼ**  
**ԱՍՏՈՒԱԾԱՇՈՒՆՉ ԳԻՐՔԵՆ**

**ՍՈՒՐԲԵՐ ԵՒ ՏՕՆԵՐ**

**ՍԻՄԷՈՆ ՍԻՆԱԿԵՑԻ**



Արդեօք լսա՞ծ էք այս անունը, կամ այս սուրբին մասին: Նախքան ծանօթանալը յիշեմք, թէ մեր եկեղեցւոյ տօնացոյցին համաձայն Սիմէոն Սիւնակեցիի տօնը այս տարի կը գուգադիպի Երկուշաբթի՝ 23 Սեպտեմբերին:

Սուրիացի սուրբ մը, որ սիւնի մը գագաթին վրայ անցուցած իր արտասովոր նգնական կենցաղին համար աշխարհահոջակ դարձաւ: Աղբատիկ ծնողի գաւակ, ան իր կեանքը անցուց նախ վանքի մը մէջ, երկար ատեն ապաշխարութեան գրկանքներու ենթարկելով ինքզինքը: Երեսուներկու տարեկան հասակին ստացաւ իր հոգիին սրբացման կազմաւորումը իր աղօթանուէր նգնութեամբը, քարէ սիւնի մը բարձունքին վրայ, ուր յարատեւաբար մնաց ամբողջ 37 տարիներ, մինչեւ իր մահը (459): Ան հետզհետէ անեցուց սիւնին բարձրութիւնը, որուն վրայ երեսուն տարիներէ ի վեր ապրած էր եւ իր մեռած ատեն, վաթսուն ոտք բարձր էր: Սիւնին կատարը տափակ էր, երբք ոտք տրամագիծով:

Անոր վրայ կը մնար կանգուն, ծրնրադիր կամ նստած, բայց առանց պառկելու: Ծոմապահուիւնը անհաւատալի ըլլալու չափ խիստ էր: Ամբողջ Մեծ Պահոց ընթացքին ոչինչ կ'ուտէր: Սիւնը հաստատուած էր բլուրի մը վրայ, ի Սուրիա կամ ի Կիլիկիա ու ժողովուրդը ամէն օր կը խոնուէր անոր բոլորտիքը, իրմէ աղօթք խնդրելու կամ իր քարոզները լսելու համար: Իր կեանքը տեսակ մը հրաշք եղաւ իր ապրած դարուն մէջ եւ առարկայ՝ ամէնուն զարմանքին:

Նայելով Թէոդորիտոս պատմագիրին եւ ուրիշ մատենագիրներու, իր մասին պատմուածքները կրնանք ընդունիլ իբրեւ իրականութիւն:

Կը շնորհաւորեմք Սիմէոն անուն կրողներու անուանակոչութիւնը:

**Երբ Աստուծոյ Սէրը կը փնտռես, կարդա՛ր ՄԱՂՏՈՍ 36**  
**Տէ՛ր, քու սէրդ երկինքին պէս անսահման է: Հաւատարմութիւնդ մինչեւ ամբերը կը հասնի: Արդարութիւնդ լեռներուն պէս բարձր է, դատաստաններդ՝ ովկիանոսներուն պէս խորունկ: Դուն ես, որ կը հոգաս մարդոց եւ անասուններուն կարիքները, Տէ՛ր: Ի՛նչ թանկագին է հոգածութիւնդ, ՌՎ Աստուած, բոլոր մարդիկ քու թեւերուդ հովանիին կ'ապաւինին: Քու տաճարիդ առատ օրհնութիւններով կը լիացնես զանոնք, շնորհքներու քու գետէդ խմել կու տաս դուն անոնց: Որովհետեւ դո՛ւն ես կեանքի աղբիւրը. լոյսովդ է, որ մենք լոյսը կը տեսնենք: Մշտական ըրէ՛ հոգածութիւնդ անոնց վրայ, որոնք քեզի կը ճանչնան, եւ արդարութիւնդ անոնց վրայ, որոնք սրտով ուղիղ են: Թոյլ մի տար, որ ամբարտաւան մարդիկ ընկճեն զիս, չարագործները յաջողին զիս հալածել:**